



Broj: **02-19-1671/26**
Datum: 26.05.2026. godine

Na osnovu člana 48. Zakona o prostornom uređenju Unsko-sanskog kantona – Novi prečišćeni tekst (“Službeni glasnik USK-a”, broj: 8/25), članova 5, 6. i 7. Uredbe o jedinstvenoj metodologiji za izradu planskih dokumenata („Službene novine Federacije BiH“, broj: 63/04, 50/07 i 84/10) te Programa i plana aktivnosti za pripremu i izradu Regulacionog plana „Novi centar“ Velika Kladuša, Služba za prostorno uređenje, imovinsko-pravne i geodetske poslove Općine Velika Kladuša, u svojstvu Nosioca pripreme planskog dokumenta, o b j a v l j u j e :

JAVNI OGLAS
o pristupanju izradi regulacionog plana

Obavještava se javnost da je Općinsko vijeće Općine Velika Kladuša donijelo Odluku o pristupanju izradi Regulacionog plana “Novi centar“ Velika Kladuša („Službeni glasnik Općine Velika Kladuša“, broj: 3/25, 1/26 i 5/26). Odluka, kao i izmjene i dopune iste se mogu u PDF formatu, zajedno sa grafičkim prikazom granica obuhvata plana, preuzeti sa službene web stranice Općine Velika Kladuša, www.velikakladusa.gov.ba.

U skladu sa pozitivnim zakonskim propisima, Služba za prostorno uređenje, geodetsko i imovinsko-pravne poslove Općine Velika Kladuša kao Nosilac pripreme ovog planskog dokumenta, poziva sve zainteresovane subjekte u procesu prostornog planiranja, kao i vlasnike nekretnina, zatim zakonite korisnike prostora i sudionike u njegovoj izgradnji i uređivanju te ostale nosioce javnih ovlaštenja i subjekte nadležne za određene sektorske oblasti, da **u roku od 30 dana od objave ovog javnog oglasa** za područje obuhvata RP “Novi centar” Velika Kladuša, u obuhvatu od cca 47 ha, dostave podatke, podloge, relevantne informacije, kao i svoje prijedloge, sugestije i mišljenja za planska rješenja na cijelom području obuhvaćenom planom, kao i prijedloge i sugestije za planska rješenja koja se tiču njihove imovine.

Podatke, podloge, relevantne informacije, kao i prijedloge, sugestije i mišljenja za planska rješenja, mogu se u pisanoj formi dostaviti putem e-maila: urbanizam@velikakladusa.gov.ba ili ličnom predajom u pisarnici Općine Velika Kladuša. Ukoliko pozvani organi, organizacije, institucije kao i nosioci javnih ovlaštenja i subjekti nadležni za određene sektorske oblasti te druga pravna i fizička lica, u ostavljenom roku ne dostave svoje sugestije, prijedloge ili mišljenja, smatrat će se da nemaju nikakvih posebnih zahtjeva.

Podnosioci prijedloga, mišljenja i sugestija u ovoj fazi uključivnja javnosti ne ostvaruju pravo na pojedinačan pisani odgovor, s obzirom da se radi o prikupljanju orijentacionih i konsultativnih prijedloga i informacija, prije izrade i formalnog razmatranja Nacrta Plana. Nosilac pripreme Plana, u saradnji sa Savjetom plana i Nosiocem izrade Plana, evidentira i zbirno razmatra ideje, prijedloge, mišljenja i sugestije prikupljene u ovoj fazi.

Javno oglašavanje traje zaključno sa 25.06.2026. godine, do kada će se primati zahtjevi, prijedlozi i sugestije od strane ovim oglasom pozvanih lica. Protekom roka od 30 dana (**zaključno sa 25.06.2026. godine**), neće se primati nikakva dokumentacija i zahtjevi, niti prijedlozi, sugestije i mišljenja po ovom javnom oglasu.

Služba za prostorno uređenje, imovinsko-pravne
i geodetske poslove Općine Velika Kladuša



Dostavljeno:

- Radio Velika Kladuša,
- Službena stranica Općine Velika Kladuša,
- Oglasna tabla Općine Velika Kladuša.